

Landesbibliothek Oldenburg

Digitalisierung von Drucken

**Sebastiani Castellionis Sacrorum Dialogorum Libri
Quatuor, Quos Postremo Ipse Recognovit: Argumenta
Singulis Dialogis Praeposuit, Et Sententias Sublicit ...**

Châteillon, Sébastien

Francofurti, 1761

VD18 12886300

Lysias.

urn:nbn:de:gbv:45:1-18303

ARGUMENTVM.

Comprehensus in templo Paulus a Judæis, illis eripitur a Lysia tribuno, ejusque permisso apud Judæos causam dicit. Sed tumultuantibus, Lysias eum virgis cædi jubet. Verum ubi civem Romanum esse cognovit, solvit.

Judæi, Lysias, Paulus, Centurio.

Succurrite, viri Israelitæ. Hic est homo ille, qui contra populum & legem, & locum hunc omnes ubique docet. Quin etiam Græcos introduxit in sacrum, & sanctum hunc locum profanavit. *Al.* Extrahamus eum e fano: interimamus eum. Quid expectamus? Jam pridein debuit interfici. Quod si factum esset, has turbas evitassimus. *Al.* Vapula homo seditiose. His nos te ictibus trucidabimus. Hem tibi. *Al.* Desinamus hunc verberare, populares: nam video huc venire tribunum cum militibus. *Ly.* Unde tam subito tanta orta est seditio? Eho, hiccine in causa est, comprehendite hunc milites, & ei injicite catenas. Quisnam est? aut quid fecit? Tacet clamosi homines. Possuinne ex vobis scire, quidnam comiserit? Alius aliud nescio quid clamat. Nihil intelligo, abducatur in castra. Quæ (malum) hæc tanta violentia est? Hic jam, credo, opprimentur in turba. *F.* Interime eum. *P.* Licetne mihi te alloqui? *L.* Scisne Græce?

Noane



Nonne tu es Ægyptius ille, qui superioribus diebus concitata seditione, eduxisti in sylvas illa quatuor millia sicariorum? *P.* Ego homo sum Iudæus, Tarsensis, civis non obscuræ Ciliciæ civitatis. Sed oro te, permitte mihi ad populum loqui. *L.* Permitto. *P.* Audite meam hanc ad vos defensionem, fratres & patres. Ego homo Iudæus sum. Tarsi in Cilicia natus, & in hac urbe educatus ad pedes Gamalielis, patriis legibus accurate institutus, & Dei ^{a)} cupidus, quemadmodum vos omnes estis hodie: qui haec vivendi viam sum capitaliter insectatus: viros simul & mulieres constringendo, & in carcerein condendo. Testis est mihi Pontifex, totusque Senatus, a quibus etiam Epistolas ad fratres acceperam, & Damascum proficisciabar, eos quoque, qui ibi essent, vincitos Hierosolymam ad supplicium ^{b)} adducaturus. Sed in eo itinere cum appropinquarem Damasco, circiter meridiein, repente de cœlo multa me lux circumfulsit: & collapsus ad terram, vocem audivi dicentem mihi: Saule, Saule, quid me insectaris? Tum ego: Quis es, Domine? Atque ille: Ego sum Jesus Nazarenus, quem tu insectaris. Qui autem mecum aderant, lucem viderunt illi quidem, & territi sunt, sed vocem non audierunt alloquentis me. Tum ego: Quid agam, Domine? Et Dominus: Surge inquit, & proficisci Damsacum. Ibi tibi dicentur omnia, quæ te facere statutum est. Cumque præ lucis illius

a) Studiosus.

b) Ut adducerem.



304 DIALOG. SACRORUM

illius splendore non viderem, manu ductus a meis
comitibus, perveni Damascum. Ananias autem
quidam vir pius, & legi convenienter vivens,^{c)}
testimonio omnium illic habitantium Judæorum,
venit ad me, & adstans mihi: Saule frater, inquit,
aspice. Cumque ego eodem temporis vestigio
in eum intuitus essem: Deus patrum nostrorum
(inquit ille) destinavit te ad cognoscendum ejus
voluntatem, & ad justum videndum, voce inque
ex ejus ore audiendam: quoniam testis ei futurus
es apud homines earum rerum, quas & videris, &
audieris. Et nunc quid cunctaris? Agedum,
abluere, & invocato Domini nomine, peccata
tua clue. Reverso autem mihi Hierosolymam,
& in templo oranti, accidit ut extra meipsum ra-
ptus, viderem eum dicentem mihi: Propera &
Hierosolyma celeriter exi: non acceptent enim
tuum de me testimonium. Cui ego: Domine,
inquam, sciunt ipsi, ut ego solitus sum in custo-
diam dare, & per collegia virginis cædere eos, qui
tibi confiderent: utque cum tui testis Stephanus
sanguis effunderetur, ego adesse, & ejus neci
consentiens, vestimenta custodirem eorum, qui
eum interficiebant. Tum ille: Vade, inquit,
nam ego te ad procul renotas gentes amandabo.
S. Tolle istum ex orbe terrarum: neque enim
convenit eum vivere. **L.** Nihil unquam tale vidi.
Necesse est graviorem aliquam esse causam, quæ
universum populum in hunc commoveat. Ne-
que enim ita claimarent, & vestes descinderent,

pulve-

^{c)} Ut testantur omnes.

pulveremque in aërem jacerent. Hæc non solent sine maxima causa fieri. Milites, intromittite eum in castra, & virgis cogite causam fateri, propter quam ita in eum clametur. *C.* Fiet. Dispolietur jam, & funibus deligetur. *P.* Licetne vobis hominem ^{d)} Romanum indamnatum verberare? *C.* Vide quid agas, Lysia, nam hic homo Romanus est. *L.* Itane? Adibo eum. Dic mihi, esne Romanus? *P.* Etiam. *L.* Ego ipse magno precio in istam civitatem suscepimus sum. *P.* At ego natus sum. *L.* Desistite milites, jam satis superque factum est.

SENTENTIA.

Iniqui homines veritatem opprimere conantur. Pellitur e medio sapientia, ubi vi res geritur. Romana civitas plus habet autoritatis apud homines, quam Christiana. Sic fit & hodie: si cuius præpotentis Civitatis aut Principis autoritate commenderis, locum ubique invenies. Sin nihil nisi justitiam habeas, vilissimus eris.

ANANIAS. Actor. 23.

ARGUMENTVM.

Paulus vincitus Ananiam Pontificem acerime reprehendit, ut exlegem. Deinde dicens se speratæ resurrectionis reum, Phariseos & Sadducæos inter se committit, & ab illis aduersus hos defenditur.

Paulus,

^{d)} Romanus erat Paulus non loco, sed jure civitatis.

U

